

瑜伽師地論

古籍
第四十二

二百廿七
惡二

49032



元祿九年丙子二月日重脩

皇圖瓊閣 帝階銀昌

佛日增輝 梵輪崇轉

山城州天安寺法金剛院置



瑜伽師地論卷第四十二

惡

彌勤菩薩說

沙門玄奘奉詔譯

本地分中菩薩地第十五

初持瑜伽處戒品第十之三

云何菩薩難行戒當知此戒略有三種謂諸

菩薩現在具足大財大族自在增上棄捨如

是大財大族自在增上受持菩薩淨戒律儀

是名菩薩第一難行戒又諸菩薩受淨戒已

若遭急難乃至失命於所受戒尚無少缺何

況全犯是名菩薩第二難行戒又諸菩薩如

是如是徧於一切行住作意恒住正念常無

放逸乃至命終於所受戒無有誤失尚不犯



輕何況犯重是名菩薩第三難行戒
云何菩薩一切門戒當知此戒略有四種一
者正受戒二者本性戒三者串習戒四者方
便相應戒正受戒者謂諸菩薩受先所受三
種菩薩淨戒律儀即律儀戒攝善法戒饒益
有情戒本性戒者謂諸菩薩住種姓位本性
惡 瑜伽師地論卷三
仁賢於相續中身語二業恒清淨串習戒
者謂諸菩薩昔餘生中曾串修習如先所說
三種淨戒由宿因力所住持故於現在世一
切惡法不樂現行於諸惡法深心厭離樂修
善行於善行中深心欣慕方便相應戒者謂
諸菩薩依四攝事於諸有情身語善業恒相

續轉

云何菩薩善士戒當知此戒略有五種謂諸
菩薩自具尸羅勸他受戒讚戒功德見同法
者深心歡喜設有毀犯如法悔除

云何菩薩一切種戒當知此戒以要言之六
種七種摠十三種言六種者一迴向戒迴向
大菩提故二廣博戒廣攝一切所學處故三
無罪歡喜處戒遠離耽著欲樂自苦二邊行
故四恒常戒雖盡壽命亦不棄捨所學處故
五堅固戒一切利養恭敬他論本隨煩惱不
能伏故不能奪故六尸羅莊嚴具相應戒具
足一切戒莊嚴故尸羅莊嚴如聲聞地應知

其拒言七種者一止息戒遠離一切殺生等
故二轉作戒攝一切善故饒益有情故三防
護戒隨護止息轉作戒故四大士相異熟戒
五增上心異熟戒六可愛趣異熟戒七利有
情異熟戒

云何菩薩遂求戒當知此戒略有八種謂諸

惡

瑜伽師地論四十二

二

菩薩自諦思惟如我怖求勿彼於我現行斷
命不與而取穢欲邪行虛妄離間麁惡綺語
手塊杖等諸非愛觸加害於我我求是已他
若相違而現行者我求不遂我意不悅如我
怖求他亦如是勿我於彼現行斷命廣說乃
至惡觸加害彼求是已我若相違而現行者

彼求不遂彼意不悅我之所作若有令他所
求不遂意不悅者何現行為菩薩如是審思
惟已命難因緣亦不於他現行八種所求不
遂不悅意事如是八種說名菩薩遂求戒
云何菩薩此世他世樂戒當知此戒略有九
種謂諸菩薩為諸有情於應遮處而正遮止
於應開處而正開許是諸有情應攝受者正
攝受之應調伏者正調伏之菩薩於中身語
二業常清淨轉是則名為四種淨戒復有所
餘施忍精進靜慮般若波羅蜜多俱行淨戒
則為五種摠說名為九種淨戒如是菩薩所
有淨戒能令自他現法後法皆得安樂是故

說名菩薩此世他世樂戒

云何菩薩清淨戒當知此戒略有十種一者

初善受戒唯為沙門三菩提故非為命故二

者不太沈戒於違犯時遠離微薄生悔愧故

及不太舉戒遠離非處生悔愧故三者離懈

怠戒於睡眠樂倚樂卧樂不耽著故晝夜勤

修諸善品故四者離諸放逸所攝受戒修習

如前所說五支不放逸故五者正願戒遠離

利養恭敬貪故不願生天而自要期修梵行

故六者軌則具足所攝受戒於諸威儀所作

眾事善品加行妙善圓滿如法身語正現行

故七者淨命具足所攝受戒離矯詐等一切

惡 瑜伽師地論四十二

三

邪命過失法故八者離二邊戒遠離受用欲
樂自苦二邊法故九者永出離戒遠離一切
外道見故十者於先所受無損失戒於先所
受菩薩淨戒無缺減故無破壞故如是十種
是名菩薩清淨戒
如是菩薩大尸羅藏能起當來大菩提果謂
依此故菩薩淨戒波羅蜜多得圓滿已現證
無上正等菩提乃至未證無上菩提依此無
量菩薩戒藏正勤修習常能獲得五種勝利
一者常為十方諸佛護念二者將捨命時任
大歡喜三者身壞已後在在所生常與淨戒
若等若增諸菩薩衆為其同分為同法侶為

善知識四者成就無量大功德藏能滿淨戒
波蜜羅多五者現法後法常得成就自性淨
戒戒成其性

如是如上所說一切自性戒等九種尸羅當
知三種淨戒所攝謂律儀戒攝善法戒饒益

有情戒如是三種菩薩淨戒以要言之能為

惠 瑜伽師地論卷二

菩薩三所作事謂律儀戒能安住其心攝善

法戒能熟自佛法饒益有情戒能成熟有情

如是攝攝一切菩薩所應作事所謂欲令現
法樂住安住其心身心無倦成熟佛法成熟
有情

如是菩薩唯有尔所菩薩淨戒唯有尔所淨

戒勝利唯有介所淨戒所作除此無有若過
若增過去菩薩求大菩提已於中學未來菩
薩求大菩提當於中學普於十方無邊無際
諸世界中現在菩薩求大菩提今於中學
瑜伽師地論本地分中菩薩地第十五

初持瑜伽處忍品第十一

云何菩薩忍波羅蜜多溫拖南曰

自性一切難 一切門善士 一切種遂求

二世樂清淨 如是九種相 是名略說忍

謂九種相忍名為菩薩忍波羅蜜多一自性

忍二一切忍三難行忍四一切門忍五善士

忍六一切種忍七遂求忍八此世他世樂忍

九清淨忍

云何菩薩自性忍謂諸菩薩或思擇力為所
依止或由自性堪忍怨害徧於一切皆悉堪
忍善於一切皆能堪忍由無染心純悲愍故
能有堪忍當知此則略說菩薩忍之自性

云何菩薩

惡

瑜伽師地論卷十二

一切忍當知此忍略有二種一依

在家品忍二依出家品忍當知依此二種品

五

忍各有三種一耐他怨害忍二安受眾苦忍

三法思勝解

云何菩薩耐他怨害忍謂諸菩薩猛利無間
種種長時從他怨害所生眾苦現在前時應
如是學如此是我自業過耳由我先世自造

種種不淨業故今受如是種種苦果我今於
此無義利害若不忍者復為當來大苦因處
我若於此大苦因法隨順轉者便為於已自
作非愛便為於已自生結轉便為於已自興
怨害非是於他又自他身所有諸行一切皆
用性苦為體彼無知故於我身中性苦體上
更增其苦我既有知何宜於彼性苦體上重
加其苦又諸聲聞多分唯修自義利行尚不
應起能生自他衆苦不忍何況我今正為勤
修他義利行而生不忍菩薩如是正思擇已
勤修五想於怨親中劣等勝品有樂有苦具
德具失諸有情所能忍一切怨害之苦

云何五想一宿生親善想二隨順唯法想三
無常想四苦想五攝受想云何菩薩於有怨
害諸有情所修習宿生親善之想謂諸菩薩
應如是學非易可得少分有情經歷長世昔
餘生中未曾為我若父若母兄弟姊妹親教
軌範尊似尊等如是如理正思惟故於有怨
害諸有情所捨怨憎想住親善想依親善想
於諸怨害悉能堪忍云何菩薩於有怨害諸
有情所修習隨順唯法之想謂諸菩薩應如
是學依託衆緣唯行唯法此中都無我及有
情命者生者是其能罵能瞋能打能弄能訶
或是所罵所瞋所打所弄所訶如是如理正

惡

瑜伽師地輪四十二

六

思惟故於有怨害諸有情所捨有情想住唯
法想依唯法想於諸怨害悉能堪忍云何菩
薩於有怨害諸有情所修無常想謂諸菩薩
應如是學諸有有情若生若長一切無常皆
是死法極報怨者謂斷彼命是諸有情命念
念斷智者何緣復欲更斷如是性死性無常
法諸有情上其有智者尚不應起有染濁心
況當以手塊杖加害何況一切永斷其命如
是如理正思惟故捨常堅想安住無常不堅
固想依無常想於諸怨害悉能堪忍云何菩
薩於有怨害諸有情所修習若若想謂諸菩薩
應如是觀若諸有情大興盛者尚為三若常

所隨逐所謂行苦壞苦苦苦況諸有情住衰
損者如是觀已應如是學我今於此苦常隨
逐諸有情所應勤方便令離衆苦不應於彼
重加其苦如是如理正思惟故斷滅樂想生
起苦想依此苦想於諸怨害悉能堪忍云何
菩薩惡於有怨害諸有情所修攝受想謂諸菩
薩應如是學瑜伽師地論卷二我為一切有情之類發菩提心
攝受一切有情之類皆為親眷我應為彼作
諸義利我今不應本於有情欲作義利而當
於彼不忍怨害作非義利如是如理正思惟
故於有怨害諸有情所滅除他想住攝受想
依攝受想於諸怨害悉能堪忍云何名忍自

無憤勃不報他怨亦不隨眠流注恒續故名
為忍是名菩薩耐他怨害忍

云何菩薩安受衆苦忍謂諸菩薩應如是學
我從昔來依欲行轉常求諸欲故意思擇為
諸苦因追求種種苦性諸欲於追求時忍受
無量猛利大苦所謂種種徇利務農勤王等
事如是追求無義苦時令我具受種種大苦
皆由無智思擇過失我今為求能引安樂最
勝善品尚應思擇忍受百千俱胝大苦況少
小苦而不忍受如是如理正思惟故為求菩
提悉能忍受一切事苦云何名為一切事苦
當知此苦略有八種一依止處苦二世法處

苦三威儀處苦四攝法處苦五乞行處苦六
勤勞處苦七利他處苦八所作處苦依止處
苦者依謂四依由依此故於善說法毗奈耶
中出家受具成苾芻分所謂衣服飲食卧具
病緣醫藥供身十物菩薩於此若得麁弊
少稽留輕慢不敬不生憂悵不由此緣精進
惡 瑜伽師地論四二
懈廢如是名為菩薩忍受依止處苦世法處
苦者當知世法略有九種一衰二毀三譏四
苦五壞法壞六盡法盡七老法老八病法病
九死法死如是世法若捨苦別曾遇現前能
生衆苦此即名為世法處苦菩薩觸對如是
衆苦思擇忍受不由此緣精進懈廢如是名

為菩薩忍受世法處苦威儀處苦者當知即
是行住坐卧四種威儀菩薩於中若行若坐
晝夜恒時從諸障法淨修其心終不非時脇
著牀座草敷葉敷菩薩於此疲所生苦悉能
忍受不由此緣精進懈廢如是名為菩薩忍
受威儀處苦攝法處苦者當知攝法略有七
種一供事三寶二供事尊長三諮受正法四
既諮受已廣為他說五以大音聲吟誦讚誦
六獨處空閑無倒思惟稱量觀察七修習瑜
伽作意所攝若止若觀菩薩於此七種攝法
勇猛劬勞所生衆苦悉能忍受不由此緣精
進懈廢如是名為菩薩忍受攝法處苦乞行

處苦者當知此苦略有七種一者自誓毀形
剃鬚髮等棄捨世俗諸相好故二者自誓毀
色受持改變壞色衣故三者進止云為皆不
縱任遊涉世間一切行住自競攝故四者依
他活命捨商農等世間事業從他所得而存
濟故五者盡壽從他求衣服等於所獲得非
法珍惡財久所貯積不受用故六者盡壽遮止九
人間諸欲離非梵行淫欲法故七者盡壽遮
止人間嬉戲捨離觀聽歌儻笑戲倡妓等故
及離與已親友同齡笑戲歡娛携從等故如
是等類因乞求行所有艱辛所生衆苦菩薩
一切皆能忍受不由此緣精進解廢如是名

為菩薩忍受乞行處苦勤劬處苦者謂諸菩薩勤修善品劬勞因緣發生種種身心疲惱悉能忍受不由此緣精進懈廢如是名為菩薩忍受勤劬處苦利他處苦者謂諸菩薩修十一種利有情業如前應知由彼所生種種憂苦菩薩一切皆能忍受不由此緣精進懈廢如是名為菩薩忍受利他處苦所作處苦者謂諸菩薩或是出家便有營為衣鉢等業或是在家便有無倒高估營農仕王等業由此發生種種勤苦菩薩一切皆能忍受不由此緣精進懈廢如是名為菩薩忍受所作處苦又諸菩薩雖觸象苦而於魚上正等菩提

未正勤修能正勤修已正勤修能無退轉常
勤修習無變異意無雜染心是名菩薩安受
衆苦忍

云何菩薩法思勝解忍謂諸菩薩於一切法
能正思擇由善觀察勝覺慧故能於八種生

勝解處善安勝解云何八種生勝解處一三

惡

瑜伽師地論卷二

十

寶功德處二真實義處三諸佛菩薩大神力

處四因處五果處六應得義處七自於彼義

得方便處八一切所知所應行處又此勝解

由二因緣於彼諸處能善安立一長時串習

故二證善淨智故是名菩薩法思勝解忍如

是菩薩依此二品一切忍故當知廣開難行

忍等諸相差別

云何菩薩難行忍當知此忍略有三種謂諸菩薩能於羸劣諸有情所忍彼所作不饒益事是名第一難行忍若諸菩薩居尊貴位於自臣隸不饒益事堪能忍受是名第二難行忍若諸菩薩於其種姓卑賤有情所作增上不饒益事堪能忍受是名第三難行忍

云何菩薩一切門忍當知此忍略有四種謂諸菩薩於親所作不饒益事於怨所作不饒益事於中所作不饒益事悉能堪忍及於彼三劣等勝品不饒益事皆能忍受

云何菩薩善士忍當知此忍略有五種謂諸

菩薩先於其忍見諸勝利謂能堪忍補特伽
羅於當來世無多怨敵無多乖離有多喜樂
臨終無悔於身壞後當生善趣天世界中見
勝利已自能堪忍勸他行忍讚忍功德見能
行忍補特伽羅慰意慶喜。

云何菩薩

一

切種忍當知此忍六種七種

十三種云何

六種謂諸菩薩了知不忍非愛

惡

瑜伽師地論四二

十一

異熟由怖畏故勤修行忍於諸有情有哀憐
心有悲愍心有親愛心由親善故勤修行忍
於其無上正等菩提猛利欲樂為圓滿忍波
羅蜜多由是因緣勤修行忍如世尊說夫出
家者具忍辱力由是因緣不應出家受具足

戒而行不忍由法受故勤修行忍種姓具足
先串習忍於今現在安住自性故能修忍知
一切法遠離有情唯見諸法無戲論性諦察
法故能修行忍云何七種謂於一切不饒益
忍從一切忍一切處忍謂於屏處及大眾前
皆能修忍一切時忍謂晝初分若晝中分若
晝後分若夜若日若去來今若病不病若卧
若起常能修忍由身行忍不捶打故由語行
忍不出一切非愛言故由意行忍不憤發故
不持汙濁惡意樂故

云何菩薩遂求忍當知此忍略有八種謂諸
菩薩於諸有苦來求索者要遍能忍於極凶

暴上品惡業諸有情所依法大悲不損惱忍
於諸出家犯戒者所依法大悲不損惱忍復
有五種耐勤苦忍謂能堪耐除遺有苦有情
衆苦所有勤苦又能堪耐求法勤苦又能堪
耐法隨法行所有勤苦又能堪耐即於彼法
廣為他說所有勤苦又能堪耐於諸有情所
為所作正與助伴所有勤苦如是八種名遂十二
求忍苦於有情有損惱者由忍故難若於有
情是所求者由忍故與是故說此名遂求忍
云何菩薩此世他世樂忍當知此忍略有九
種謂諸菩薩住不放逸於諸善法悉能堪忍
於諸寒熱悉能堪忍於諸飢渴悉能堪忍於

蚊蠅觸悉能堪忍於諸風日悉能堪忍於蛇
蝎觸悉能堪忍於諸劬勞所生種種苦身若
心疲倦憂惱悉能堪忍於墮生死生老病死
等苦有情現前哀愍而修行忍如是菩薩修
行忍故能令自身於現法中得安樂住不為
一切惡不善法之所陵雜能引後世安樂因
緣亦能令他修行種種現法後法安樂正行
是名此世他世樂忍

云何菩薩清淨忍當知此忍略有十種謂諸
菩薩遇他所作不饒益事損惱違越終不返
報亦不意憤亦無怨嫌意樂相續恒常現前
欲作饒益先後無異非一益已捨而不益於

有怨者自往悔謝終不令他生疲歇已然後
受謝恐其疲歇纔謝便受於不堪忍成就增
上猛利慚愧依於堪忍於大師所成就增上
猛利愛敬依不損惱諸有情故於諸有情成
就猛利哀愍愛樂一切不忍并助伴法皆得
斷故離欲界欲由此十相當知菩薩所修行
忍清淨無垢當知此中初自性忍廣說乃至
瑜伽師地論中
後清淨忍如是能生廣博無量大菩提果忍
為依止是諸菩薩能圓滿忍波羅蜜多能證
無上正等菩提瑜伽師地論本地分中菩薩
地第十五

初持瑜伽處精進品第十二

云何菩薩精進波羅蜜多。娑拖南曰：自性一切難，一切門善士，一切種遂求，二世樂清淨，如是九種相，名略說精進，謂九種相精進，名為菩薩精進波羅蜜多。一者自性精進，二者一切精進，三者難行精進，四者一切門精進，五者善士精進，六者一切種精進，七者遂求精進，八者此世他世樂精進，九者清淨精進。

云何菩薩自性精進？謂諸菩薩其心勇悍，堪能攝受無量善法，利益安樂一切有情，熾然無間，無有顛倒。及此所起身語意動，當知是名菩薩所行精進自性。

云何菩薩一切精進謂此精進略有二種一者依在家品精進二者依出家品精進當知依此二品精進各有三種一擐甲精進二攝善法精進三饒益有情精進

云何菩薩擐甲精進謂諸菩薩於發加行精

進之前其心勇悍先擐誓甲若我為脫一有

惡 瑜伽師地論卷三

十四

情苦以千大劫等一日夜處那浴迦不在餘

趣乃至菩薩經尔所時證得無上正等菩提

假使過此百千俱胝倍數時劫方證無上正

等菩提我之勇悍亦無退屈於求無上正等

菩提非不進趣既進趣已勤勇無懈何況所

經時短若薄是名菩薩擐甲精進若有菩薩

於如是相菩薩所有擐甲精進少起勝解少
生淨信如是菩薩尚已長養無量勇猛發勤
精進大菩提性何況菩薩成就如是擐甲精
進如是菩薩於求菩提饒益有情無有少分
難行事業可生怯劣難作之心

云何菩薩攝善法精進謂諸菩薩所有精進
能為施戒忍精進靜慮慧波羅蜜多加行能
成辨施戒忍精進靜慮慧波羅蜜多當知此
復略有七種一魚動精進一切分別種種分
別根本煩惱少分煩惱一切異論一切苦觸
不傾動故二堅固精進是殷重加行故三無
量精進能現證得一切明處故四方便相應

精進所應得義無顛倒道隨順而行故平等
通達故五無倒精進為欲證得所引義利所
應得義願所引故六恒常精進是無間加行
故七離慢精進由勤精進離高舉故由此七
種攝善法精進勤加行故令諸菩薩速能圓
滿波羅蜜多疾證無上正等菩提由此精進
惡 瑜伽師地論三
是能修證能成菩提一切善法最勝十五因緣餘
則不尔是故如來以種種門稱讚精進能證
無上正等菩提

云何菩薩饒益有情精進謂此精進有十一
種如戒品說彼說尸羅此說精進當知是名
彼此差別

云何菩薩難行精進。謂此精進略有三種。若諸菩薩無間遠。離諸衣服想。諸飲食想。諸卧具想。及已身想。於諸善法無間修習。曾無懈怠。是名第一難行精進。若諸菩薩如是精進。盡衆同分。於一切時曾無懈怠。是名第二難行精進。若諸菩薩平等通達功德。相應不緩不急。無有顛倒。能引義利。精進成就是名第三難行精進。如是菩薩難精進。力當知。即是緣有情悲。及與般若能攝之因。

云何菩薩一切門精進。謂此精進略有四種。一離染法精進。二引白法精進。三淨除業精進。四增長智精進。離染法精進者。謂諸菩薩

所有精進能令一切結縛隨眠隨煩惱纏未
生不生已生斷滅引白法精進者謂諸菩薩
所有精進一切善法未生令生已生令住令
不忘失增長廣大淨除業精進者謂諸菩薩
所有精進能令三業皆悉清淨能攝妙善身
語意業增長智精進者謂諸菩薩所有精進
能集惡能增聞思修惡 十六

云何菩薩善士精進謂此精進略有五種一
無所棄捨精進謂諸菩薩所有精進不捨一
切欲加行故二無退減精進謂諸菩薩所有
精進如先所受若等若增發勤精進隨長養
故三無下劣精進謂諸菩薩所有精進勇猛

熾然長時無間精勤策勵心無怯弱無退屈
故四無顛倒精進謂諸菩薩所有精進能引
義利方便善巧所攝持故五勤勇加行精進
謂諸菩薩所有精進能於無上正等菩提速
進趣故

云何菩薩一切種精進謂此精進六種七種
摠十三種云何菩薩六種精進一無間精進
謂一切時修加行故二殷重精進謂能周備
修加行故三等流精進謂先因力所任持故
四加行精進數數思擇種種善品正加行故
五無動精進一切苦觸不能動故亦不轉成
餘性分故六無喜足精進少分下劣差別證

中不喜足故菩薩成就如是六種一切種精
 進發勤精進故所以說言有勢有勤有勇堅
 猛於諸善法不捨其軛云何菩薩七種精進
 一與欲俱行精進謂諸菩薩所有精進數於
 無上正等菩提猛利欲願隨長養故二平等
 相應精進謂諸菩薩所有精進能令隨一根
惡 瑜伽師地論中二
 本煩惱及隨煩惱不染汙心亦不纏心由此
十七
 精進能令菩薩於諸善法等習而住三勝進
 精進謂諸菩薩若為隨一根本煩惱及隨煩
 惱染心纏心為斷如是諸煩惱故精進勇猛
 如滅頭然四勤求精進謂諸菩薩勇猛勤求
 一切明處無厭倦故五修學精進謂諸菩薩

於所學法如應如宜普於一切法隨法行能
成辦故六利他精進謂諸菩薩所有精進於
如前說十一種相應知其相七善護精進謂
諸菩薩所有精進起正加行善自防守若有
所犯如法悔除如是菩薩十三種精進各一
切種精進

菩薩所有遂求精進此世他世樂精進如忍
應知其差別者彼說堪忍此說菩薩精進勇
悍云何菩薩清淨精進謂此精進略有十種
一相稱精進二串習精進三無緩精進四善
攝精進五應時修習精進六通達衆相精進
七不退弱精進八不捨軀精進九平等精進

十迴向大菩提精進若諸菩薩或為彼彼諸
隨煩惱極所逼切為斷彼彼隨煩惱故修習
種種相稱對治謂為對治諸貪欲故修習不
淨為欲對治諸瞋恚故修習慈愍為欲對治
諸愚癡故修習觀察緣性緣起為欲對治諸
尋思故修習息念為欲對治諸憍慢故修界
差別如是等類是名菩薩相稱精進十八若諸菩
薩非唯成就始業初業所有精進謂為住心
教授教誡非不亦由串習加行積習加行是
名菩薩串習精進若諸菩薩亦非唯有串習
加行積習加行為住其心教授教誡然此始
業初業菩薩於此加行不緩加行無間加行

殷重加行是名菩薩無緩精進若諸菩薩從
師長所或自多聞力所持故無倒而取為住
其心發勤精進是名菩薩善攝精進若諸菩
薩無倒取已於應止時能正修止於應舉時
能策其心於應捨時能正修捨是名菩薩應
時修習相應精進若諸菩薩於其種種止舉
捨相入住出相能善了知能無忘失能善通
達無間修作殷重修作是名菩薩通達衆相
相應精進若諸菩薩聞說種種最極廣大最
極甚深不可思議不可度量菩薩精進不自
輕慢心不怯弱不於所有少分下劣差別證
中而生喜足不求上進是名菩薩不退弱精

進若諸菩薩於時時間蜜護根門飲食知量
初夜後夜常勤修習恬寤瑜伽正知而住於
如是類等持資糧能攝受轉即於其中熾然
修習於能引攝無倒義利於一切時勤加功
用是名菩薩不捨輒精進若諸菩薩發勤精
進不緩不急平等雙運普於一切應作事中
惡 瑜伽師地論卷二
亦能平等殷重修作是名菩薩平等精進若
諸菩薩一切精進有所為作無不皆為迴向
無上正等菩提是名菩薩迴向大菩提精進
如是最初自性精進乃至最後清淨精進皆
得菩薩大菩提果菩薩依此所有精進圓滿
精進波羅蜜多能於無上正等菩提速疾已

證當證今證

瑜伽師地論卷第四十二

惡

串古患反矯詐小上居反嗚上烏骨反耐奴代反軌

範上俱水反憤勃下上房粉反徇利上詞反甚息淺

及籜留上音輕憊下莫反悒下邑音腸虛業反劬勞

上音衢競居陵反齡音要携從下聲去商估下音古二

賈屏處上音挫打上下之委反虵下音蠍下音繞音才

勇悍下音擐患音緩胡伴反策勵上下音怯弱去上

劫及下音輓音厄怙寤上下音吾故反

山城國綴喜郡薪村

靈瑞山酬恩菴沙門宗桂書寫之

